

**O‘ZBEKISTON RESPUBLIKASI VAZIRLAR MAHKAMASINING
QARORI**

**MILLIY MADANIYATIMIZ RIVOJIGA KATTA HISSA QO‘SHGAN
SAN‘ATKORLARNI HAMDA O‘ZBEK SAN‘ATINI DUNYO SAHNALARIDA
MUVAFFAQIYATLI NAMOYISH ETIB KELAYOTGAN YOSHLARNI QO‘LLAB-
QUVVATLASH CHORA-TADBIRLARI TO‘G‘RISIDA**

O‘zbekiston Respublikasi Prezidentining 2017-yil 31-maydagi PQ-3022-son qarori bilan tasdiqlangan O‘zbekiston madaniyat va san‘at sohasini takomillashtirish bo‘yicha 2017 — 2021-yillarga mo‘ljallangan chora-tadbirlar dasturi ijrosini ta‘minlash, shuningdek, madaniyatimiz va san‘atimiz rivojiga katta hissa qo‘shgan taniqli san‘atkorlarni hamda san‘atkor yoshlarni rag‘batlantirish maqsadida Vazirlar Mahkamasi qaror qiladi:

1. Quyidagilar:

Milliy madaniyatimiz rivojiga katta hissa qo‘shgan san‘atkorlarni hamda o‘zbek san‘atini dunyo sahnalarida muvaffaqiyatli namoyish etib kelayotgan yoshlarni O‘zbekiston Respublikasi Prezidenti nomidan rag‘batlantirish tartibi to‘g‘risidagi nizom 1-ilovaga muvofiq;

Milliy madaniyatimiz rivojiga katta hissa qo‘shgan san‘atkorlarni hamda o‘zbek san‘atini dunyo sahnalarida muvaffaqiyatli namoyish etib kelayotgan yoshlarni O‘zbekiston Respublikasi Prezidenti nomidan rag‘batlantirish bo‘yicha respublika komissiyasining tarkibi 2-ilovaga muvofiq;

Milliy madaniyatimiz rivojiga katta hissa qo‘shgan san‘atkorlarni hamda o‘zbek san‘atini dunyo sahnalarida muvaffaqiyatli namoyish etib kelayotgan yoshlarni O‘zbekiston Respublikasi Prezidenti nomidan rag‘batlantirish bo‘yicha hududiy komissiyalarning namunaviy tarkibi 3-ilovaga muvofiq tasdiqlansin.

2. Belgilab qo‘yilsinki, mukofotlash va sertifikat blankasini tayyorlash uchun zarur mablag‘lar O‘zbekiston Respublikasi Madaniyat vazirligining madaniy tadbirlarni moliyalashtirish uchun har yili nazarda tutiladigan O‘zbekiston Respublikasi Davlat budjeti mablag‘lari hisobidan ajratiladi.

3. Mazkur qarorning bajarilishini nazorat qilish O‘zbekiston Respublikasi Madaniyat vaziri B.S. Sayfullayev zimmasiga hamda O‘zbekiston Respublikasi Vazirlar Mahkamasining Madaniyat, san‘at va yoshlar siyosati masalalari axborot-tahlil departamentiga yuklansin.

O‘zbekiston Respublikasining Bosh vaziri A. ARIPOV

Toshkent sh.,
2018-yil 6-aprel,
271-son

**Milliy madaniyatimiz rivojiga katta hissa qo'shgan san'atkorlarni hamda o'zbek san'atini
dunyo sahnalarida muvaffaqiyatli namoyish etib kelayotgan yoshlarni O'zbekiston
Respublikasi Prezidenti nomidan rag'batlantirish tartibi to'g'risida**

NIZOM

1-bob. Umumiy qoidalar

1. Ushbu Nizom O'zbekiston san'ati va madaniyati rivojiga katta hissa qo'shgan san'atkorlarni hamda jahon miqyosidagi nufuzli ko'rik-tanlov va festivallarda yuqori o'rinlarni egallagan, o'zbek san'ati va madaniyatini dunyo sahnalarida muvaffaqiyatli namoyish etib kelayotgan yoshlarni (keyingi o'rinlarda madaniyat sohasi vakillari deb ataladi) O'zbekiston Respublikasi Prezidenti nomidan rag'batlantirish (keyingi o'rinlarda mukofotlash deb ataladi) tartibini belgilaydi.

2. Mukofotlashga, qoida tariqasida, quyidagi sohalarda faoliyat yuritayotgan madaniyat sohasi vakillari tavsiya etiladi:

kompozitor, bastakor va san'atshunoslar;
teatr, kino va ommaviy tadbirlar aktyorlari, rejissorlari;
diriijyorlar, baletmeysterlar;
musiqqa, xor, raqs, sirk, orkestr, ansambl ijrochilari va ushbu jamoalarning badiiy rahbarlari;
doston ijrochiligi namoyandalari;
shoir va yozuvchilar;
muzey hamda moddiy va nomoddiy madaniy meros obyektlarini muhofaza qilish sohasida

faoliyat ko'rsatayotgan xodimlar;

tasviriy va amaliy san'at vakillari, dizaynerlar.

Mukofotlashga madaniyat sohasining boshqa yo'nalishlarida faoliyat yuritayotgan nomzodlar ham tavsiya etilishi mumkin.

3. Nomzodlarni ko'rib chiqish va tanlab olish ikki bosqichda amalga oshiriladi.

Birinchi bosqichda (Qoraqalpog'iston Respublikasi, viloyatlar va Toshkent shahri bo'yicha) nomzodlarni ko'rib chiqish va tanlab olish Milliy madaniyatimiz rivojiga katta hissa qo'shgan san'atkorlarni hamda o'zbek san'atini dunyo sahnalarida muvaffaqiyatli namoyish etib kelayotgan yoshlarni O'zbekiston Respublikasi Prezidenti nomidan rag'batlantirish bo'yicha hududiy komissiyalar (keyingi o'rinlarda hududiy komissiya deb ataladi) tomonidan amalga oshiriladi.

Birinchi bosqich yakunlari bo'yicha hududlardan mukofotlashga tanlab olingan (tavsiya etilgan) nomzodlar tanlovning ikkinchi bosqichida ishtirok etish huquqiga ega bo'ladi.

Ikkinchi bosqich (respublika bo'yicha) Milliy madaniyatimiz rivojiga katta hissa qo'shgan san'atkorlarni hamda o'zbek san'atini dunyo sahnalarida muvaffaqiyatli namoyish etib kelayotgan yoshlarni O'zbekiston Respublikasi Prezidenti nomidan rag'batlantirish bo'yicha respublika komissiyasi (keyingi o'rinlarda Respublika komissiyasi deb ataladi) tomonidan o'tkaziladi.

4. Mukofotlashga tavsiya etilayotgan nomzodlarning hujjatlarini qabul qilish ushbu Nizomga ilovaga sxemaga muvofiq amalga oshiriladi.

5. Respublika komissiyasi va hududiy komissiyalar jamoatchilik asosida faoliyat yuritadi.

O'zbekiston Respublikasi Madaniyat vazirligi respublika komissiyasining ishchi organi hisoblanadi.

Qoraqalpog'iston Respublikasi Madaniyat vazirligi, viloyatlar madaniyat boshqarmalari va Toshkent shahar madaniyat bosh boshqarmasi hududiy komissiyalarning ishchi organi (keyingi o'rinlarda hududiy komissiyaning ishchi organi deb ataladi) hisoblanadi.

2-bob. Mukofotlashga tavsiya etilayotgan nomzodlarni tanlab olish mezonlari

6. Mukofotlashga tavsiya etilayotgan nomzodlar quyidagi mezonlar asosida tanlab olinadi:
O'zbekistonda doimiy istiqomat qilgan holda ijodiy faoliyat yuritayotganligi;

jahon miqyosidagi ko'rik-tanlov va festivallarda yuqori o'rinlarni (1-4-o'rinlar) egallaganligi;

o'zbek san'ati va madaniyatini dunyo sahnalarida muntazam ravishda muvaffaqiyatli namoyish etib kelayotganligi;

munosib ijodiy kadrlarni tayyorlaganligi, o'zining o'quv adabiyotlari, ilmiy ishlari, katta amaliy tajribasi bilan ularni tarbiyalashga salmoqli hissa qo'shganligi (O'zbekiston san'ati va madaniyati rivojiga katta hissa qo'shgan san'atkorlar uchun);

so'nggi besh yil mobaynida madaniyat va san'at sohasini rivojlantirish yo'lidagi ijodi bilan bir qatorda milliy istiqloq g'oyalari va madaniy-ma'naviy qadriyatlarni yoshlarga singdirish va e'tiqodini yuksaltirishdagi ibratli xizmati va yoshlarning alohida yutuqlari.

Ushbu bandning to'rtinchi — oltinchi xatboshlarida nazarda tutilgan mezonlar asosida mukofotlashga tavsiya etilayotgan nomzodlarni tanlab olish har bir nomzodning mukofotlashga munosibligi Respublika komissiyasi va hududiy komissiyalar tomonidan haqqoniy va xolisona baholagan holda hal etiladi.

3-bob. Mukofotlashga tavsiya etilayotgan nomzodlarning hujjatlarini qabul qilish

7. Madaniyat va san'at sohasidagi tashkilotlar o'z tashabbusiga ko'ra har yili 1-iyunga qadar mukofotlashga tavsiya etiladigan nomzodlarni tanlab oladi va nomzod to'g'risida tashkilotning birinchi rahbari tomonidan imzolangan tavsiyanomani hududiy komissiyaning ishchi organiga taqdim etadi.

8. Madaniyat sohasining vakili (nomzod), uning ota-onasi yoki uning o'rnini bosuvchi shaxs fuqarolarning o'zini o'zi boshqarish organining tavsiyanomasini ushbu Nizomning 7-bandida ko'rsatilgan muddatda hududiy komissiyaning ishchi organiga taqdim etishi mumkin.

9. Ushbu Nizomning 7 va 8-bandlarida ko'rsatilgan tavsiyanomalarga quyidagi hujjatlar ilova qilinadi:

nomzodning ma'lumotnoma-obyektivkasi (anketa);

ommaviy axborot vositalarida nomzod haqida berilgan ko'rsatuv va eshittirishlarning CD diskdagi yozuvi yoki mamlakatimizda va chet ellarda chop etilgan maqolalar nusxasi (agar bo'lsa);

nomzodning ijodiy ishlari, faoliyati va erishgan yutuqlarini aks ettiruvchi hujjatlar (mualliflik asarlari yoki repertuar ro'yxati, video-audio albomlari, turli tadbirlarda qo'lga kiritgan sovrinli o'rinlar uchun sertifikat va diplomlar nusxasi) to'plami.

Nomzodlardan ushbu bandda ko'rsatilmagan boshqa hujjatlar talab etilishiga yo'l qo'yilmaydi.

4-bob. Tavsiya etilayotgan nomzodlarning hujjatlarini ko'rib chiqish tartibi

10. Hududiy komissiyaning ishchi organi taqdim etilgan hujjatlarni ushbu Nizomning 9-bandiga muvofiq to'liqligi yuzasidan ko'rib chiqadi.

Hujjatlar to'liq bo'lmagan holda taqdim etilgan taqdirda, ular uch ish kuni mobaynida ushbu hujjatlarni taqdim etuvchiga kamchiliklar hamda hujjatlarni qayta taqdim etishning aniq muddati ko'rsatilgan holda qaytariladi.

Ushbu Nizomning 9-bandida ko'rsatilgan hujjatlar to'liq bo'lgan taqdirda, ular hududiy komissiyaning ishchi organi tomonidan hududiy komissiyaga ko'rib chiqish va tegishli qaror qabul qilish uchun taqdim etiladi.

11. Hududiy komissiya nomzodlarning ushbu Nizomda belgilangan talablarga muvofiqligini o'rganib chiqadi.

O'rganish natijalari bo'yicha har bir hududiy komissiya mukofotlash uchun tavsiya etiladigan 3 nafar nomzodni aniqlab, ular to'g'risida hujjatlarni har yili 15-iyunga qadar ko'rib chiqish uchun Respublika komissiyasiga kiritadi.

12. Respublika komissiyasi hududiy komissiyalar tomonidan taqdim etilgan nomzodlarning ushbu Nizomda belgilangan talablarga muvofiqligini ko'rib chiqib, mukofotlash uchun Qoraqalpog'iston Respublikasi, viloyatlar hamda Toshkent shahridan tavsiya etiladigan jami 20 nafar nomzodni aniqlaydi hamda ular yuzasidan takliflarni har yili 1-iyulga qadar kelishish uchun O'zbekiston Respublikasi Prezidenti Administratsiyasiga taqdim etadi.

Respublikaning biror viloyatidan munosib nomzod tavsiya etilmagan taqdirda ushbu hududga ajratilgan o'rin Toshkent shahri, Qoraqalpog'iston Respublikasi va boshqa viloyatlarga berilishi mumkin.

13. O'zbekiston Respublikasi Prezidenti Administratsiyasi bilan kelishilgan nomzodlar ro'yxati (tanlov g'oliblari) Respublika komissiyasining tegishli qarori bilan tasdiqlanadi.

Tanlov g'oliblari ularni rag'batlantirish to'g'risida Respublika komissiyasining tegishli qarori asosida ushbu qaror qabul qilingan kunda belgilangan bazaviy hisoblash miqdorining 50 baravari miqdorida bir martalik pul mukofoti bilan moddiy rag'batlantiriladi va ularga mukofotlanganlik to'g'risida sertifikat topshiriladi.

5-bob. Taqdirlash marosimini tashkil etish va o'tkazish

14. Mukofotlash marosimi har yili Toshkent shahrida Mustaqillik bayrami arafasida o'tkaziladi.

15. Ushbu Nizom talablari asosida mukofotlash takroran amalga oshirilmaydi.

16. Mukofotlash uchun zarur mablag'lar O'zbekiston Respublikasi Madaniyat vazirligining madaniy tadbirlarni moliyalashtirish uchun har yili nazarda tutiladigan O'zbekiston Respublikasi Davlat budjeti mablag'laridan ajratiladi.

17. Mukofotlanadigan madaniyat va san'at vakillari ro'yxati respublika ommaviy axborot vositalarida e'lon qilinadi.

6-bob. Yakunlovchi qoida


18. Ushbu Nizom talablari buzilishida aybdor bo'lgan shaxslar qonun hujjatlariga muvofiq javob beradilar.

Milliy madaniyatimiz rivojiga katta hissa qo'shgan san'atkorlarni hamda o'zbek san'atini dunyo sahnalarida muvaffaqiyatli namoyish etib kelayotgan yoshlarni O'zbekiston Respublikasi Prezidenti nomidan rag'batlantirish tartibi to'g'risidagi nizomga

ILOVA

Mukofotlashga tavsiya etilayotgan nomzodlarning hujjatlarini qabul qilish

SXEMASI



Milliy madaniyatimiz rivojiga katta hissa qo'shgan san'atkorlarni hamda o'zbek san'atini dunyo sahnalarida muvaffaqiyatli namoyish etib kelayotgan yoshlarni O'zbekiston Respublikasi Prezidenti nomidan rag'batlantirish bo'yicha respublika komissiyasining

TARKIBI

A.Aripov	—	O'zbekiston Respublikasining Bosh vaziri, Respublika komissiyasi raisi
B.Sayfullayev	—	O'zbekiston Respublikasi madaniyat vaziri, Respublika komissiyasi raisi o'rinbosari
K.Akilova	—	O'zbekiston Respublikasi madaniyat vazirining o'rinbosari
Sh.Rizayev	—	"O'zbekkino" Milliy agentligi bosh direktorining birinchi o'rinbosari
F.Tashmuhamedov	—	O'zbekiston Badiiy akademiyasi raisining o'rinbosari
S.Saidov	—	O'zbekiston Yozuvchilar uyushmasi raisining birinchi o'rinbosari, O'zbekiston xalq shoiri
X.Raximov	—	O'zbekiston kompozitorlari va bastakorlari uyushmasi raisi o'rinbosari, O'zbekiston san'at arbobi
Sh.Toxtasimov	—	Toshkent davlat milliy raqs va xoreografiya oliy maktabi rektori
S.Begmatov	—	O'zbekiston Milliy maqom san'ati markazi rahbari, san'atshunoslik fanlari nomzodi, professor
B.Qurbonov	—	R. Glier nomidagi Respublika ixtisoslashtirilgan musiqa akademik litseyi direktori, O'zbekistonda xizmat ko'rsatgan yoshlar murabbiyi, professor
F.Zokirov	—	O'zbekiston xalq artisti
Y.Ahmedov	—	O'zbekiston xalq artisti
Z.Zoirov	—	Vazirlar Mahkamasining yetakchi mutaxassisi, Respublika komissiyasi mas'ul kotibi

Izoh. Komissiya a'zolari boshqa ishga o'tgan taqdirda komissiya tarkibiga ushbu lavozimlarga yangidan tayinlangan yoki zimmasiga tegishli funksiyalar yuklangan shaxslar kiritiladi.

Milliy madaniyatimiz rivojiga katta hissa qo'shgan san'atkorlarni hamda o'zbek san'atini dunyo sahnalarida muvaffaqiyatli namoyish etib kelayotgan yoshlarni O'zbekiston Respublikasi Prezidenti nomidan rag'batlantirish bo'yicha hududiy komissiyalarning namunaviy

TARKIBI

lavozimiga ko'ra	—	Qoraqalpog'iston Respublikasi Vazirlar Kengashi Raisining, viloyatlar va Toshkent shahar hokimining yoshlar siyosati, ijtimoiy rivojlantirish va ma'naviy-ma'rifiy ishlar bo'yicha o'rinbosari, Komissiya raisi
lavozimiga ko'ra	—	Qoraqalpog'iston Respublikasi madaniyat vaziri, viloyat madaniyat boshqarmasi boshlig'i va Toshkent shahar madaniyat bosh boshqarmasi boshlig'i, Komissiya raisining o'rinbosari
lavozimiga ko'ra	—	O'zbekiston Yozuvchilar uyushmasining hududiy bo'linmasi rahbari
lavozimiga ko'ra	—	"O'zbekkino" milliy agentligining hududiy bo'limi rahbari
lavozimiga ko'ra	—	O'zbekiston Badiiy akademiyasining Badiiy ijodkorlar uyushmasi hududiy bo'limi raisi

lavozimiga ko'ra	— O'zbekiston kompozitorlari va bastakorlari uyushmasining hududiy bo'limi raisi
lavozimiga ko'ra	— Akademik va xalq badiiy jamoalari direksiyasining hududiy bo'linmalari rahbari

Izoh.

1. Komissiyalarning shaxsiy tarkibi Qoraqalpog'iston Respublikasi Vazirlar Kengashi Raisining, viloyatlar va Toshkent shahar hokimlarining qarori bilan tasdiqlanadi;

2. Komissiya a'zolari boshqa ishga o'tgan taqdirda komissiya tarkibiga ushbu lavozimlarga yangidan tayinlangan shaxslar yoki zimmasiga tegishli funksiyalar yuklangan shaxslar kiritiladi.